

Image not found

<https://letteraturaeuropea.let.uniroma1.it/sites/all/themes/business/logo.png>

Lirica Medievale Romanza

Published on *Lirica Medievale Romanza* (<https://letteraturaeuropea.let.uniroma1.it>)

Home > BERNART DE VENTADORN > EDIZIONE > Ges de chantar no·m pren talans > Tradizione manoscritta > CANZONIERE S > Edizione diplomatica

Edizione diplomatica

 image not found https://letteraturaeuropea.let.uniroma1.it/?q=sites/default/files/styles/330px/public/S%20%284%29_8.png&itok=4C8z9COV	Bernard. GEs de chantar nom pren talanz.
---	--

image not found

https://letteraturaeuropea.let.uniroma1.it/?q=sites/default/files/styles/330_px/public/S%20%285%29_4.png&itok=ILqngZzW

Tan mi pesa de ço qieu ue.

Qe metres solion en granz.

Com agues prez honor (et) lau.

Mas era non uei ni non au.

Com parle de drudaria.

Per qe prez (et) cortesia.

Et solaz torna en non chaler.

Des barons comense lenianz.

Cuns non ama per bona fe.

Per cell an los autre lo danz.

Et neguns hom de lor non iau.

Ne amor non reman per au.

Car ben leu tal ameria.

Qi sen ten qar no saubria.

A guisa damado(r) captener.

Per ren non es hom tan preianz.

Com per amor (et) per domne.

Qe daqi mou deport (et) chanz.

Et tot qant apres fin ab au.

Nuls hom ses amor ren non uau.

Per qieu non uoill sia mia.

Del mon tota la segnorìa.

Si ia ioi non sabia auer.

De midonz me lau cent aitanz.

Qieu non sai dir (et) ai ben dre.

Qe qant pot me fa bel semblanz.

Et son ami gent esuau.


Et mandet mi per qeu mi lau.

Qe per paor me remania.

Qar ela plus no fazia.

Perqe nestau en bon esper.

De tal amor soi fin amanz.

	Don duc ni conte non enue. Et non es rey ni amiranz. El mon qe si nauia tau. No sen fezes rics com eu fau. Et si lau(s)[1]sar la uolia. Ges tan dire non porria. De ben mais qe non sia uer.
	Bona do(m)pna coinde (et) presanz. Per deu aiaz de mi merce. Et ia non i annes doutanz. De uostramic fins (et) corau. Far mi podez (et) ben (et) mau. En la uostra merci sia. Qieu soi garniz tota uia. Com faza tot uostre plaser.
	Fons salada bon drugumanz. Siaz uas mon signor lo re. Digaz li qe mos azimanz. Mi ten qar en uas lei non uau. Si com atal hom emperau. Qe annet en normandia. Uolgra qe ben couenria. Qe agues tot lo mond en poder. [1] Aggiunto in interlinea.

- letto 417 volte